

15. 02. 2023



BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD TUZLA  
JAVNA USTANOVA CENTAR ZA SOCIJALNI RAD  
TUZLA

Tuzla, Kozaračka bb, tel.: +387 35 36 90 10, fax: +387 35 36 90 35, e-mail: [info@csrtuzla.ba](mailto:info@csrtuzla.ba)

Broj: UPII-01-04-1-343-2/23 ĐL  
Tuzla, 13.02.2023.godine

Na osnovu člana 100. stav 3. Zakona o javnim nabavkama Bosne i Hercegovine („Službeni glasnik BiH“ broj: 39/14. i 59/22), rješavajući po žalbi broj: 0712/D-02/23 od 10.02.2023.godine izjavljenoj od strane ponuđača Sword Security d.o.o Sarajevo, ul. Alipašina br.83, u predmetu javne nabavke usluge, fizičke zaštite u JU Centar za socijalni rad Tuzla, objavljenog na Portalu javnih nabavki pod brojem 4-7-2-38-3-5/23 od 02.02.2023.godine, direktorica JU Centar za socijalni rad Tuzla, donosi

**RJEŠENJE**  
o usvajanju žalbe

Usvaja se žalba ponuđača Sword Security d.o.o Sarajevo, ul. Alipašina br.83 od 10.02.2023.godine, koja je dopuštena, pravovremena i izjavljena od strane ovlaštenog lica, a izjavljena je na tendersku dokumentaciju broj: 01-04-1-343/23ĐL od 01.02.2023.godine, u postupku javne nabavke usluge fizičke zaštite u JU Centar za socijalni rad Tuzla, objavljenju na Portalu javnih nabavki pod brojem 4-7-2-38-3-5/23 od 02.02.2023.godine.

Ovo rješenje je osnov za preduzimanje radnje ispravljanja od strane Ugovornog organa i izmjenu Tenderske dokumentacije broj: 01-04-1-343/23ĐL od 01.02.2023.godine.

Ugovorni organ će o preduzetoj radnji ispravke izmjenom Tenderske dokumentacije putem Portala javnih nabavki obavijestiti sve potencijalne učesnike o nastavku predmetnog postupka, te će ovo Rješenje biti objavljeno na web stranici ugovornog organa.

Rješenje stupa na snagu danom donošenja.

**OBRAZLOŽENJE**

JU Centar za socijalni rad Tuzla, Odlukom broj: 01-04-1-343/23 ĐL od 01.02.2023.godine pokrenula je postupak javne nabavke usluge fizičke zaštite u JU Centar za socijalni rad Tuzla putem konkurentskog zahtjeva za dostavljanje ponude.

Dana 02.02.2023.godine na Portalu javnih nabavki objavljeno je Obavještenje o nabavci broj: 4-7-2-38-3-5/23 za provođenje postupka javne nabavke fizičke zaštite u JU Centar za socijalni rad Tuzla. Procjenjena vrijednost javne nabavke je 19.658,12 KM bez PDV-a, odnosno 23.000,00 KM sa PDV-om. Prema Izvještaju o preuzimanju tenderske dokumentacije od strane ponuđača utvrđeno je da je tendersku dokumentaciju za predmetnu javnu nabavku preuzelo sedam ponuđača.

Ponuđač Sword Security d.o.o Sarajevo, ul. Alipašina br.83, je navedenu tendersku dokumentaciju preuzeo sa Portala javnih nabavki dana 03.02.2023.godine. Sword Security je dana 10.02.2023.godine JU Centar za socijalni rad Tuzla, kao Ugovornom organu putem e-maila dostavio žalbu na tendersku dokumentaciju.

Postupajući po žalbi, ugovorni organ je utvrdio da je žalba dopuštena, pravovremena i izjavljena od strane ovlaštenog lica, te da su navodi istaknuti u istoj osnovani.

Žalitelj izjavljuje žalbu na tendersku dokumentaciju konkurentskog zahtjeva za dostavljanje ponude broj: 01-04-1-343/23ĐL od 01.02.2023.godine, zbog pogrešne primjene Zakona o javnim nabavkama BiH, te pogrešne primjene materijalnog prava.



U žalbi se također navodi da je Ugovorni organ propustio jasno navesti period na koji se zaključuje ugovor, čime je sve potencijalne ponuđače doveo u nezavidnu situaciju, obzirom da ponuđači trebaju dostaviti ponude za usluge za koje ne znaju koliko uopšte trebaju da traju. U tački 5. Tenderske dokumentacije (stav d), Ugovorni organ je naveo, citira se: „Period na koji se zaključuje ugovor: do 31.12.2023.godine, odnosno do okončanja procedure predmetne javne nabavke u 2024.godini“. Ovako definisan period nije ispravan, obzirom da ponuđačima nije jasno za koji period trebaju da dostave svoje ponude (odnosno od kojeg dana počinje pružanje usluge, odnosno na koliko mjeseci se zaključuje ugovor), te u vezi s tim usklade i cijenu pružanja usluge. Žalitelj Ugovornom organu sugeriše da odredi tačan period pružanja usluge, kako bi ponuđači u skladu sa predviđenom cijenom Ugovornog organa mogli ponuditi jediničnu cijenu svoje usluge, u odnosu na period trajanja ugovora predmetne javne nabavke. Nadalje žalilac iznosi da i na Obrascu za cijenu ponude (koji čini sastavni dio tenderske dokumentacije), Ugovorni organ od ponuđača uopće ne zahtjeva ukupnu cijenu za ponuđene usluge u odnosu na ukupan period trajanja ugovora. Zbog navedenog žalitelj smatra da je nemoguće ispoštovati postupak javne nabavke koji je Ugovorni organ izabrao za predmetnu javnu nabavku, a to je Konkurentski zahtjev za dostavljanje ponude. Obzirom da ovaj postupak zahtjeva i provođenje e-aukcije, što je Ugovorni organ i potvrdio u Obavještenju o nabavci broj 4-7-2-38-3-5/23 od 02.02.2023.godine. Kako bi se ostvarili uslovi za održavanje e-aukcije Ugovorni organ mora imati konačnu ukupnu cijenu koja prati period trajanja ugovora, a koju će ponuđači sa prihvatljivom ponudom eventualno snižavati na dan održavanja predviđene e-aukcije. U skladu sa svim prethodno navedenim činjenicama, a u svrhu pravilne primjene Zakona o javnim nabavkama BiH, poštujući Opće principe jednakog tretmana i transparentnosti, pravične i aktivne konkurencije, nediskriminirajući ponuđači koji tehnički mogu udovoljiti funkcionalnim zahtjevima Ugovornog organa, žalitelj smatra da je potrebno da Ugovorni organ usvoji žalbu, izvrši izmjenu tenderske dokumentacije u navedenim tačkama i istu uskladi sa Zakonom o javnim nabavkama BiH.

Ugovorni organ je Zaključkom o obustavi postupka broj: UPII-01-04-1-343/23 ĐL od 10.02.2023.godine, putem e-maila obavijestio sve potencijalne ponuđače koji su preuzeli tendersku dokumentaciju sa Portala javnih nabavki da se postupak obustavlja dok navedena žalba ne bude riješena i kada se za to ispune svi potrebni formalni uslovi. Uvidom u tendersku dokumentaciju Ugovorni organ je uočio određene nedostatke koji se moraju otkloniti radi pravilnog formiranja cijene i eventualnog provođenja e-aukcije.

Objavom izmjene/dopune tenderske dokumentacije svi potencijalni ponuđači će biti informisani o nastavku postupka-konkurentskog zahtjeva za dostavljanje ponuda za nabavku usluge fizičke zaštite u JU Centar za socijalni rad Tuzla.

Pouka o pravnom lijeku

Protiv ovog Rješenje može se izjaviti žalba Uredu za razmatranje žalbi BiH (URŽ), putem ugovornog organa, u roku od deset (10) dana od prijema rješenja.

Postupak vodila  
Đonlić Larisa, dipl.pravnik

DOSTAVLJENO:

- 1.Sword Security d.o.o Sarajevo,  
ul. Alipašina br.83, 71 000, Sarajevo
2. Učesnicima u predmetnom postupku javne nabavke koji su preuzeli tendersku dokumentaciju sa Portala AJN
- 3.Dosije
- 4.a/a

DIREKTORICA  
Dr.sci. Sadiković Lejla, dipl.pravnik



*Handwritten signature*